

ACTA DA XUNTA DE GOBERNO LOCAL
Sesión do 22 de setembro de 2004

SEÑORES/AS ASISTENTES:

D^a. Corina Porro Martínez
D. José Manuel Iglesias Carrera
D^a. Soledad Polo Lima
D. Carlos Comesaña Abalde

NON ASISTEN:

D. José Manuel Figueroa Vila
D^a. Lucía Molares Pérez
D. Javier Jorge Guerra Fernández
D. José Manuel Couto Pérez
D. Ignacio López-Chaves Castro.
D. Antonio Coello Bufill

Na Casa do Concello de Vigo, ás dez horas e vinte minutos do día vintedous de setembro de dous mil catro e baixo a presidencia da Excm. Sra. Alcadesa, D^a. Corina Porro Martínez, coa asistencia dos concelleiros/as anteriormente citados, actuando como secretario o concelleiro, Sr. Iglesias Carrera, constitúese a Xunta de Goberno Local desta Corporación co obxecto de realizar sesión EXTRAORDINARIA E URXENTE de acordo coa orde do día remitida a tódolos membros coa antelación legal precisa. Está presente, por invitación, o titular do órgano de apoio á Xunta de Goberno Local, D. Manuel Xosé Lorenzo Penela.

A Xunta de Goberno Local adopta os seguintes acordos:

1.(1222)- RATIFICACIÓN DA URXENCIA.

A Xunta de Goberno por unanimidade ratifica a urxencia da sesión.

2.(1223)- PROXECTO DE HUMANIZACIÓN DAS RÚAS DO ENTORNO DA PRAZA DE COMPOSTELA NA CIDADE DE VIGO.

A Xunta de Goberno, tendo en conta que con anterioridade a esta sesión realizouse unha xuntanza previa con representantes de todos os grupos municipais na que solicitaron que as pavimentacións das calzadas ás que se refire o proxecto se realicen con pedra en lugar de con asfalto, acorda:

Primeiro.- Dirixirse ós redactores do proxecto ó obxecto de que o modifiquen de acordo co solicitado polos representantes dos grupos municipais, modificacións que segundo a acta da xuntanza citada consistirán nos seguintes aspectos:

- 1º.- Considerar a área como unha plataforma única.
- 2º.- Diferenciar as entradas á área mediante suaves pendentos.

- 3º.- Diferenciar as beirarrúas das calzadas mediante liña plana divisoria e bolardos de pedra esférica, ou poliédrica ou outros dispositivos de deseño e dimensións adecuadas.
- 4º.- Colocar nas calzadas tacos de granito de dimensións 14x14x12.
- 5º.- Colocar nas beirarrúas losas de pedra granítica de dimensións 60x40x8.
- 6º.- Eliminar os colectores de lixo da área a través do sistema de colocación ás 22.00 h e retirada á 1.00 h.
- 7º.- Localizar nos extremos da área dúas illas de recollida selectiva de residuos que se integren no mobiliario urbano e entorno.
- 8º.- O mobiliario urbano citado adecuarase no seu deseño ó previsto na rúa Urzaiz para acadar a necesaria uniformidade.

Segundo.- Instar ós redactores a presentación do proxecto modificado no prazo máis breve posible para a súa aprobación pola Xunta de Goberno Local e posterior remisión ó Consorcio da Zona Franca de Vigo a fin de que instrua expediente de contratación para adxudicación das obras.

E sen ter máis asuntos que tratar, a Sra. presidenta rematou a sesión ás dez horas e vinte e dous minutos. Como secretaria dou fé.

me.

O CONCELLEIRO-SECRETARIO ACCTAL.
DA XUNTA DE GOBERNO LOCAL

D. José Manuel Iglesias Carrera